



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

4. Mira diuinæ prouidentiæ vis è peccatis elucet.

urn:nbn:de:hbz:466:1-45699

buli ignominia, cessit in summam Dei gloriam, cuius immensum erga nos amorem, nusquam alibi expressius cognoscere potuimus: adeò ut articulum, qui magnitudine sua naturæ lumen vis-

I Is. 7. 14.

cit, fidei lumine comprehendere debeamus. Hinc Isaías antè, quām diceret: *Ecce virgo concipiet, & pariet filium, & vocabitur nomen eius Emmanuel*, præmisit: *Si non credideritis, non permanebitis.*

Ibid. v. 9.

Tam immensa bonitas & charitas in mysterio Incarnationis est inclusa, ut nisi credendo apprehendi non possit: credentes autem,

Rom. 5. 10.

cum inimici essemus, reconciliatos nos esse Deo per mortem Filii eius, maxima rapit admiratio in laudes diuinæ, & gratiarum actionem gratulationemque. Paruumne lucrum est istud? an exiguum damni fructum censemus, Deum sic mortalibus innotuisse? Per peccatum occasio data est Creatori, ut illius bonitatem, clemenciam, pietatem, misericordiam, lenitatem, patientiam, longanimitatem cognosceremus. Tantus virtutum apparatus, antè pñne ignoratus, non potuit magis illustrari, & nobis commendari, quām ut videremus, mundi Conditorem non solum eos, quos homines suos viderat futuros, nihilominus condidisse; sed etiam postquam omnia hostilia fecimus, nos sanguine suo redemisse. Vide igitur an non rectè melius judicauerit de malis benefacere, quām mala esse non permittere?

IV.

Huic D. Augustini sententiae valde similis est illa Plotini *Plotin. lib. 3. minis Ethnici*, qui scripsit, *ipsam mundi artificem rationem, malis, enn. 2. c. 5. postquam facta sunt, opportune admodum uti solere.* Id autem maxime potestatis est, ait, *malis etiam bene usi valere.* Ac infrà: *Numquid ergo mala qua in mundo sunt, propterea quid præcedentia consequuntur? Fortè etiam quia, nisi hac essent, imperfectum foret & totum.* Plurima namque malorum, vel cuncta potius quamdam toti præstant utilitatem; quemadmodum venenosa, quamvis plurimorum usus & ratio lateat. *Iam vero præstatem quoq; ipsam multa constar utilia continere, multaq; reddere pulchra, pulchritudinis artificiose more, suscitat sepe homines ad prudentiam, neq; securiori licentia corpore permittit.* Et alio

Idem lib. 3. loco: Quicumq; deterius è mundo tollendum censem, tollunt ipsam etienn. 3. cap. 7. am prouidentiam. Cuiusnam amplius prouidentia erit? Explicat S. Thom. in hanc doctrinam Plotini, D. Thomæ doctrina, italoquentis: *Nec Comp. Theo. ramen hoc diuina bonitati repugnat, quod mala esse permittit in rimbis log. cap. 142.*

ab eo

ab eo gubernatis. Primo quidem quia prouidentia non est naturam gubernatorum tollere, sed saluare. Requirit autem hoc perfectio uniuersi, ut sint quadam, in quibus malum non possit accidere; quadam vero, qua defectum mali pati possint secundum suam naturam. Si igitur malum totaliter excluderetur a rebus prouidentia diminuta; non regerentur res secundum earum naturam: quod esset maior defectus, quam singulares defectus, qui tollerentur. Hac S. Thomas.

At videamus, quid sit regere res, secundum earum naturam, praesertim hominem, cuius natura exigit arbitrij libertatem, quae quia valde conuenit homini bonum & malum discriminanti, sine violentia non adimeretur. Et si adimeretur, perirent merita, perirent premia. Qui probatus est in illo, & perfectus est, erit illi gloria Eccli. 31. 10. aeterna: qui porne transgredi, & non est transgressus; facere mala, & non fecit: ideo stabilitas sunt bona illius in Domino. Equis & alijs iumentis non datus mercedem, non enim sponte, sed coacte labortant. Posse peccare, & non peccare, hoc est gloriosum. Apposuit Eccli. 35. 18. tibi aquam & ignem, ad quod volueris porrige manus tuam. Ante hominem vita & mors, bonum & malum: quod placuerit ei, dabitur illis quoniam multa sapientia Dei, & fortis in potentia, videns omnes sine intermissione. Virtutes exigi ab homine, nemo negat. Atqui in hoc rerum statu, si virtus non essent, neque virtutes essent.

Quod Lactantius ex affectibus hominum, qui naturales, non voluntarii sunt, contra Stoicos ita demonstrat. Peripatetici relii, qui tunc omnia detrahi negant posse, quia nobiscum simul nata sunt; & conantur ostendere, quam prouidenter, & quam necessario Deo, sine natura (sic enim dicunt) his nos armavit affectibus, quos tam quia vitiosi plerumque sunt, si nimis sint, posse ab homine adhibito modo salubriter temperari, ut tantum homini, quantum natura satis est, relinquatur. Non insipientis disputatio, si ut dixi, non ad hanc vitam omnia referrentur. Stoici ergo furiosi, qui ea non temperant, sed abscondunt; rebusque a natura insitis castrare hominem quodammodo volunt. Quod tale est, quale si velint aut metum detrahere cervum, aut venenum anguis, aut iram feris, aut placiditatem pecudibus. Nam quae singula mutis animalibus data sunt, ea vero uniuersa homini simul. Quod si ut medici dicunt, latitiae affectus in splene est, ira in felle, libidinis in iecore, timoris in corde; facilius est interficere animal ipsum, quam

V.

VI.
L. Cælius La-
cant. lib. 6.
diuin Instit.
cap. 15.